



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

10. De ejectis in templo negotiatoribus.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

ta, & deficiente. Ut non pluit manna, nisi farina Ægyptiaca jam consumpta. Non commiscentur vina hæc, ut ait Bernardus, cæleste solatium & terrenum.

MEDITATIO X.

De ejectione à templo negotiatoribus.

PUNCTUM PRIMUM.

Christi
zelus.

Ps. 68.
10.

Cant. 8.
6.

Prov. 3.
12.

Heb. 12.

Zelus Christi pro Patris gloria, & templi honore: est autem Zelus studium ardens amolendi quicquid officit bono rei amatae. Christus autem, ut amabat summè Patrem, & Ecclesiam sponsam, ita zelum habet pro ijs ardentissimum, de quo in Psalmo. *Zelus domus tua comedit me*: nam pro zelo suo tradidit se morti consumendum. Et quicquid cogitabat vel agebat, zelus erat, & in zelum totus erat conversus, uti ignis convertit in se, quæ arripit. Hinc tam fortis, & intrepidus factus ad ejectiones prophanatores templi, ut non fuerit veritus illorum vim, quia *fortis est, ut mors dilectio, dura, sicut infernus, amulatio*: flagellum facit quasi in filios: nam, *quem diligit Deus, corripit*. Quo autem zelo flagellum arripuit, eodem se pro nobis flagellandum dedit. O zelo induat in carnem meam ad castigandam, & pro alienis quoque culpis impediendis. Optem, ne auferatur ejus zelus à me, sed castiget in misericordia me peccantem.

PUN-

PUNCTUM II.

Iudæi petunt à Christo signum, ad comprobandam potestatem istud audiendi. Pro signo ait. *Solvite templum hoc, & in tribus diebus excitabo illud.* Duplex signum dat. 1. Quod permittet solvi templum corporis sui. *In quo habitabat plenitudo divinitatis corporaliter*, per dirissimos cruciatus. 2. Quod propria virtute illud excitabit gloriosus. Tale etiam dedit in Iona, qui in mare dejectus, in ventre ceti delituit triduum, qui est typus mortis, tum reditus est incolumis, qui est resurrectionis. Clare ostendit, suo permisso futurum ut occidatur, idque verè prodigii loco est, ut cuius anima erat gloriosa, corpus morti subiceretur. Magnum hoc extitit signum, & charitatis in nos, ut ædificaremur ipsi in templum sanctum Dei; & potentia quod moriendo nos vivificavit. Per hæc signa factum ut omnia ad se traheret exaltatus in crucem, nec jam funiculis ad flagellum faciendum uteretur, sed ad vinculum nectendum charitatis, quo nos traheret *in funiculis Adæ.*

Ioan. 2.
19.
1.

Passio.
Coloss. 2.
9. 2.

Resurrectio.

Charitas.

Os. 11. 4.
Oratio.

Domine! anima mea templum est, illud ego destruo peccando, tu reædifica tribus diebus, in primo gratia tua vivificando, in secundo perseverantiam usque ad finem largiendo, in tertio ad vitam resuscitando.

PUNCTUM III.

Quod iterum ante passionem eiecit negotiatores; sed hac vice non adhibuit flagellum, ut in prima, in qua est significata lex vetus, Secunda eiecitio

S tus,

Matt. 21 tus, quæ est timoris. In secunda autem lex græ-
12. tiæ, quæ est amoris. In prima dixit. *Nolite face-*
Luc. 19. *re domum Patris mei, domum negotiationis;* in se-
45. cunda autem. *Vos fecistis illam speluncam latro-*
Marc. 11. *num,* est domus negotiandi, sed cum Deo; spe-
16. luncam latronum, quòd in negotiando plerùm-
 Anima que fraudes fiant. In prima *ejecit negotiantes pe-*
 est Ora- *cora, & subvertit mensas,* in secunda non sinebat,
 torium. *ut vel quispiam transferret vas per templum.*
Mat 6 6 Anima mea debet ipsa orationis esse domus,
1. Tim. quam ingrediens, *Orabo Patrem in abscondito,*
2. 8. *& qui vidit in abscondito, reddet mihi.* Hoc ora-
 torium nobiscum ferimus. *Volo viros orare in*
omni loco, levantes puras manus, sine ira & disce-
ptione.

Absit ab hac domo negotiatio prophana, &
 Sit mun- tumultus passionum, nec non cupiditas & avar-
 da. ritia. Universè sit munda à culpis, quieta à per-
 turbationibus, ornata virtutum exercitationi-
 bus. Quis oret in Ecclesia quæ sordet, & tumul-
 tus est plena? Domine sume zelum, & ejice ex
 me, quidquid officit domui tuæ, templo tuo.

MEDITATIO XI.

De sermone Domini in monte habito.
De octo Beatitudinibus, pars prior.

PUNCTUM PRIMUM.

TRiplex Christi munus in hoc sermone. Mu-
 nus est Doctoris, in quo sunt omnes thesau-
 1. Christus
Col. 2. 3.